

3. To je mjenujcy wola Boža, waše swjatosćenje:\* zo byšće so zdžerželi kurwafstwa,

Rom. 12, 2. Efes. 5, 17.

4. Zo by kóždy wědzał swoje sudowjo dobyć w swjatosćenju a česći,\*

5. A nic w nahlej požadosći, jako pohan, kotřiž Boha njeznaja,\*

6. A zo by njechtó swojeho bratra njeprěhnał abo njewojebał we wikowanju; přetož Bóh je wječer wšoho toho, jakož smy wam předpowědźeli a wobswědčili.\*

7. Přetož Bóh njeje nas powolał k nječistoće, ale k swjatosćenju.

8. Tuž štóž to zacpěwa, njezacpěwa čłowjeka, ale Boha, kotryž je tež swojeho swjateho Ducha do nas dal.\*

9. Wo lubosći pak nimamy trjeba wam pisać; přetož sami sće wot Boha nawučeni, zo so mjez sobu lubujete.

Jan. 13, 34; 15, 12, 17; 1. Jan. 2, 10; 4, 12.

10. Přetož to džě činiće wšěm bratram po wšej Macedoniji. Prosymy pak, bratřa, zo byšće (w tom) bóle nadobýwali,\*

11. A so prócowali, zo byšće pokojni byli a swoje džělo wukonjeli, a ze swojimaj rukomaj džělali, jakož smy wam při-

kazali, tak zo byšće čestnje wobkhađzeli před tymi, kotřiž su zwonka, a zo byšće wot nikoho ničo njepotrjebowali.

12. Nohcemy pak, zo byšće njewědźeli, bratřa, wo tych, kotřiž su wusnyli, zo byšće so njerudźili jakož druzy, kotřiž nadźije nimaju.\*

13. Přetož hdyž wěrimy, zo je Jězus wumřel a wot mrtwych wstanył, tak tež Bóh tych, kotřiž su we Jězusa wusnyli, z nim přiwděje.\*

14. Přetož to wam prajimy we słowje Knjeza,\* zo my, kotřiž smy žiwi, kotřiž smy wostajeni hač na přikhađ Knjeza, njepředědźemy tych, kotřiž su wusnyli;\*\*

1. Kor. 15, 23.

15. Přetož Knjez sam z rozkazom a z hłosom arcjandźela a z trubu Božej\* zestupi z njebja, a mrtwi, kotřiž su w Khrystusu, wstanu přeni;

16. Potom budźemy my, kotřiž smy žiwi a kotřiž smy wostajeni, sobu z nimi torhnjeni na mróčelach do powětra Khrystusej napřećiwo, a tak budźemy přeco z Knjezom.

17. Tohodla pokojće so mjez sobu z tutymi słowami.

3. Woprijeće wšitkich kazni abo wole Božej je, zo byšće bóle a bóle w swjatym žiwjenju přiběrali, a wosebje nječistoty so wostajili. — 4. t. r. w dowolenym mandželstwje čestnje a bohobojaznje žiwy być. — 5. Pohanjo, kotřiž Boha spóznali njesu, móža skerje zamołwjeni być, hdyž su po přinarođenych nakhilnosćach žiwi, ale křescenjo njesmědža so jim runać. — 6. Tež nahrabnosće maju křescenjo so wostajić, a njesmědža z ničim swojeho bližšeho wojebać, dokelž Bóh by to khostał. — 8. Štóž to, štož kaznje Bože prikazuja, nječini, ale ze swojim žiwjenjom zapřewa, njehrěši přećiwo čłowjekam, ale přećiwo Bohu, kotryž je nam kaznje a tež Ducha swjateho dał; wot njeho rozswětleni a posylnjeni, móžemy tež jich poručnosće dokonjeć. — 10. 11. Zo je was Bóh sam wučil, kak maće so mjez sobu lubować, to pokazujeće z tym, zo wšitkich wěriwych w Macedoniji lubujete, k lubosći samej was njetrjebam pohonjeć, ale zo byšće w njej rostli a we wšěch dobrych počinkach přiběrali, w pokoju ze swojimi bližšimi žiwi byli, na sebje a na swoje naležnosće kedžbujcy, wo naležnosće druhich so njestarajcy. Tak njebudźeće pohanam pohóršk dawać, a njebudźe wam trjeba, druhich wo podpěru prosyć. — 12. Pawoł rozwučuje Thessaloniskich wo wotemrětych, a mjenuje jich wusnylenych; přetož křescanska smjerec je runja sparej, z kotrehož na sudnym dnu wotućimy; tohodla nimamy so wo nich rudzić, jakož pohanjo, kotřiž nadźiju na wěčnje zbóžne žiwjenje nimaju. — 13. Kaž Jězus wumřel a zaso wstany, tak směmy so nadźijeć, zo Bóh tych, kotřiž we wěrje do Khrystusa wumřechu, tež zbudži a z Khrystusom zjednoći. — 14. t. r. po wěrnosći, mi wot Knjeza zjewjenej. \*\* S. japoštoł wočakowaše druhu přikhađ Khrystusowu w krótkim času, w kotrymž budža hišće někotři žiwi, na kotrychž wón piše; tola to běše jeno jeho měnjenje, nic pak wozjewjena wěrnosć Boža. Či nětko, kotřiž budža kaž wón praji, při přikhađe Jězusowym hišće žiwi, njepřinu před wotemrětymi k zbóžnosći, ale po Božej poručnosći na hłos arcjandźela a mócneje truby Božej wstanu wusnjeni, a z nimi so či, kotřiž budža hišće žiwi, k njebju znjesu, Khrystusej napřećiwo, kiž z njebjes zestupi, a zjednoća so na wěčne z nim. — 15. Truba mjenuje so Boža, dokelž so po Božej poručnosći trjeba.